

# #gkb2020: ils emprims 13 cudeschs electronics dal piz èn online

## Il cudesch digital dal piz per muments da giubileum fitg persunals

Cuira, ils 16 d'october 2019 – Per il giubileum da 150 onns realisescha la Banca Chantunala Grischuna (BCG) il cudesch online dals pizs grischuns. Cun il project motivescha la banca las Grischunas ed ils Grischuns da far experientschas persunalas en nossas muntognas. Sin 13 pizs grischuns è gia vegni installà in cudesch electronic dal piz.

Durant l'onn da giubileum metta la BCG en il center la natira, l'aua e la durabilitad. Il cudesch electronic dal piz è in dals projects che la BCG lantscha per ses giubileum. Var 150 pizs da passa 2020 m s.m. duain survegnir in cudesch electronic dal piz. «Nus faschain tut noss pussaivel per cuntanscher questa finamira», di CEO Daniel Fust. Ultra da l'emprim piz, il Calanda da Haldenstein, èn fin uss vegnids equipads cun in cudesch digital il Piz Beverin, il Piz Minor, il Crap Sogn Gion, il Piz Mundaun ed ulteriurs otg pizs. Grazia al cudesch electronic dal piz pon las alpinistas ed ils alpinists parter lur experientschas en las muntognas cun agid d'in code NFC, code QR ubain sco colliaziun-web en furma da fotos ubain videos sin [gkb2020.ch/gipfel](https://gkb2020.ch/gipfel). Là han gia bleras persunas cumpartì lur muments culminants en las muntognas cun s'inscriver e publitgar bels maletgs. L'interess demussa che questa nova pussaivladad è dumandada.

«Cun il project lain nus sensibilisar las Grischunas ed ils Grischuns per la natira e motivar tuttas e tuts dad ir en muntogna e giudair noss bels culms grischuns», declera Daniel Fust. Il cudesch electronic dal piz na remplazza betg ils cudeschs dal piz tradiziunals existents, mabain als cumplettescha cun utilizar las pussaivladads digitalas. Las installaziuns vegnan er ad esser accessiblas suenter l'onn da giubileum da la BCG il 2020 – lur tgira e mantegniment èn garantids.

Infurmaziuns davart il cudesch electronic dal piz e davart ils ulteriurs projects da giubileum da la BCG chattais Vus sut [gkb2020.ch](https://gkb2020.ch).

### Contact per ils collavurators da medias:

Banca Chantunala Grischuna, Medias & Investor Relations, chascha postala, 7001 Cuira  
Nadja Maurer, [nadja.maurer@gkb.ch](mailto:nadja.maurer@gkb.ch), telefon +41 81 256 88 01  
Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](https://gkb.ch/medien) | [Twitter](#) | [Facebook](#) | [Instagram](#) | [YouTube](#) | [Flickr](#) | [Xing](#)

---

**Banca Chantunala Grischuna – il leader en il Grischun**

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. La banca occupa 999 collavuraturas e collavuratur (stadi dals 30-06-2019). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 26,6 milliardas in gudogn dal concern da CHF 100,5 milliuns. Il scrit da participaziun BCG è quotà a la bursa dapi ils 10 da settember 1985.

**Termins**

Quint annual 2019:	7 da favrer 2020
Radunanza dals participants:	25 d'avrigl 2020

---